

劉兆祐博士主編
中國史學叢書三編

嘉靖吳江縣志
(三)

臺灣學生書局 印行

劉兆祐博士主編
中國史學叢書三編

嘉靖吳江縣志
(三)

臺灣學生書局 印行

嘉靖吳江縣志二十八卷首一卷／（明）曹一麟修、徐師曾等纂一影印本--臺北市：臺灣學生，民76

22,1412面；3 冊，21 公分--（中國史學叢書第三編，第四輯；50）劉兆祐主編

據中央研究院歷史語言研究所藏明嘉靖四十年刊本 影印

1. 中國一史料 I（明）曹一麟修、徐師曾等纂 II 集叢名
III 劉兆祐主編

618/8658 V.50

第四輯 中國史學叢書三編

劉兆祐博士主編

中央研究院歷史語言研究所藏本
嘉靖吳江縣志二十八卷首一卷

修者：明·曹一麟

纂者：明·徐師曾等

出版者：臺灣學生書局

本書局登記：行政院新聞局局版臺業字第一一〇〇號

發行人：丁文治

發行所：臺灣學生書局

臺北市和平東路一段一九八號
郵政劃撥帳號〇〇二四六六八
電話：三二四一五六・三三一〇九七

香港總經銷：藝文圖書公司

地址：九龍又一村達之路三十號地下後座
電話：三三八〇五八〇七

中華民國七十六年六月初版

6082-50 究必印翻・有所權版

吳江縣志卷之十八



官政志二

名宦傳

宋

李問慶曆初以大理丞出知吳江與尉王
庭堅建長橋後世賴之其他美政尤多
今祀於名宦

王庭堅字世美慶曆二年尉吳江爲人

敏沈毅政稱平允與令李問議率民輸
錢數百萬欲建廟學會有詔不許遂移
其材以建長橋民甚利之

孫覺字莘老高郵人治平三年以民曹掾

權知吳江

莫志云
舉進士

縣有江橋延袤二百

丈役大難集覺募民修治勢愈雄壯又
河塘兩岸每以竹篠捍禦率數年一修
而端致敗決覺又市石增築遂得支久

又葺祠廟亭榭詮次邑中畱題百餘篇
爲松江詩集後知蘇州仕終御史中丞
向子韶字和卿開封人元符三年進士知
吳江郡人私鑄黃錢流布一路知府將
聽之子韶以爲不可騰書極言其害下
令禁之境内無敢犯者已而中司論其
事詔治故縱之吏諸邑皆曰太守命也
吳江令嘗力爭書具在子韶聞制使來

謂須被逮具裝以候吏及門卽行初知
府意子韶必以抗論不從爲詞子韶至
卒無一語獄成衆皆貶秩子韶獨賞一
官靖康中知淮寧府與金虜巷戰舉家
被害贈通議大夫謚忠毅今祀於名宦
石公轍字道叟新昌人紹聖二年特奏狀
元任南劔州教授紹興中轉知吳江初
學宮在縣治西南厄於兵燹公轍至卽

開江營址改建焉又置田以養士卽今學也邑人頌其功後通判平江府陞大宗正今祀於名宦

程俱字致道信安人元符中爲吳江簿政平訟理有循良之風優於文學作松江二賦三高祠詩序遠近騰誦之仕終中書舍人

徐勣字元功南陵人舉進士調吳江尉仕

終顯謨閣學士勣挺挺持正爲徽宗所
禮重而不至大用時議惜之

李光字泰發上虞人崇寧五年進士初知
常熟縣朱勔父冲倚勢暴橫光械治其
家僅勔怒誠轉運使移令吳江光不爲
屈勔終不能害也仕至禮部尚書卒謚
莊簡

梁瓘字瑩中沙縣人元豐中進士徽宗朝

自正言遷司諫數言時政天下傾注之
政和元年再謫吳江主簿未幾卒贈諫
議大夫謚忠肅

李衡字彥平其先江都人徙居崑山紹興
中舉進士授吳江主簿部使者怙勢侵
民衡不忍以敲朴迎合卽投劾去後起
爲仙居丞終祕閣修撰致仕歸崑山圓
明野墅與門人講解經義聚書踰萬卷

名其室曰樂菴學者稱爲樂菴先生卒
年七十九所著有易說論語說易義等
書及樂菴文集總若干卷行於世

趙廣

郡志作
公廣

字德儉宋宗室也淳熙初知

吳江爲政知本末先後旣建廟學復取
羨租以餼生徒凡郵亭使館橋梁祠宇
理葺殆遍以部使薦遷徐州同知

袁韶字彥淳鄞人嘉泰中爲吳江丞時蘇

師旦挾韓侂冑威福撓役法提舉黃犖
檄韶覆田定役師旦密諭意吳江多姻
黨幸相容當薦爲京朝官韶不聽是歲
更定戶籍承徭賦者皆師旦姻黨師旦
怒諷言者將論韶犖亟白于朝且薦之
未幾師旦敗改知桐廬累官參知政事
浙西制置使卒贈太師越國公

元

王柔

實志作柔承

字不剛大都人試安西王相

府令史至元三十年擢吳江知縣屏除
走隸專任信牌村民宴安又修繕官宇
重建廟學及三高祠施爲咸有次第條
理井然

干文傳字壽道其先汴人後徙居吳延祐
中登乙科進士至元初歷官朝列大夫
知吳江州在州以均徭賦爲先催科追

逮嚴立程限民亦不違村落之間不識
吏胥至正中以禮部尚書致仕卒所著
有仁里漫稿若干卷

哈刺哈孫大德九年同知吳江州事嘗語
人曰牧民之官不忠勤何以盡職分不
公正何以聽獄訟不慈仁何以得民心
歲荒且疫爲之流涕白州長畱粟拯之
曰寧拂上意以受責毋令民失所也

皇甫璧字君寶東平人至大三年以朝列大夫知吳江州不事智數政無矯飾待物一於誠始勉以文教申之以禁令人莫敢犯在州三載終始以廉能著稱

高仁字壽之濟南人延祐初以朝列大夫知吳江州以大義開曉百姓譁健束手而怙終賊刑歲役率先鉅室力稱事辦行省賑杭饑增州糶三萬石仁持不

乃止又除鹽運司虧課蠲丹陽金壇
稅民多德之

張顯祖泰定元年爲吳江州判官重建長
橋以石易木爲竇六十有二每竇用鐵
鉤八條長十三尺重四觔仍布紗枋於
水底築址以防傾圯至久不敗今祀於
名宦

那海高昌氏由中書舍人提點資乘庫至

正五年爲吳江州達魯花赤階武畧將
軍養民以惠興築石塘水利甚博

大明

孔克中字庸夫先聖五十五代孫吳元年
知吳江州洪武二年改縣克中仍爲知
縣時承兵燹之後庶事草畧民俗鄙夷
克中葺遺舉遠起廢作新常如不及故
能諭民於理復以羨財重建縣治及世